



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

Vnde conjiciatur, quod petens Missam alteram ex his, an utramque velit,
n. 15

urn:nbn:de:hbz:466:1-41878

*Unde conjiciatur quod petens Missam
velit Præsentiam, vel applicatio-
nem, an potius utram-
que.*

Questio ergo superest dūc
trahat, ecquando nam, si
fortè verba sint dubia, Petitionem
esse de sola præsentia, & non de
Applicatione, vel contra, judican-
dum sit.

Dico. Si petitio, vel institutio
Missæ in hunc, vel similem modum
cum mentione finis, & etiam loci,
vel temporis efformentur. Volo seu
lego te Missas in tali Altari, vel Tem-
plo celebrandas quolibet Anno, Mense,
Hebdomada, pro anima mea, vel in re-
medium, seu refrigerium anime meæ.
Vel in remissionem, seu satisfactionem
delictorum meorum, vel ad intentionem
meam, vel pro Defunctis, &c. Certum
est petitionem non esse solum de
Officiatura, sed esse etiam de Ap-
plica-

L 1 4

Ex March. de ord. rr. 3. p. 2. c. 27. n. 1.

plicatione, ut ex se patet. Idemetiam puto, si dicat. *Volo ut celebrentur tot Missæ in Ecclesia mea sepultura, seu in qua ego sepultus fuero*, videtur enim tunc haberi respectus ad satisfactionem in Purgatorio debitam à se, vel à suis.

16. Quod si petitio fiat cum mentione finis, sed non loci, seu temporis in hunc modum: *Volo ut celebrentur tot Missæ pro anima mea, vel pro defunctis, vel ad impetrandam salutem filii mei, &c.* Certum adest petitionem esse solum de Applicatione, ut etiam ex se patet, & in hoc casu, si alius à te petat solum Præsentiam, idque tibi constet, ut solent petere Moniales, Confratres, immò, & Parochi in quibusdam solennitatibus, quando solum intendunt habere numerum Missarum pro commoditate audientium, poteris pro tali Præsentia aliud stipendium accipere, quia id non recipis pro fructu Missæ, sed pro

a Ex eodem ibid.

pro labore extrinseco, ut dictum est n. 14.

17. Denique, si petitio fiat cum mentione loci, seu etiam temporis, sed tacito fine in hunc ferè modum: *Instituo in tali Altari Capellani, qui quotidie celebrare debeat, Aggravo Haredem meum, ut in tali loco faciat celebrare tot Missas. Volo, ut celebrentur tot Missae in Ecclesia Majori.* &c. si, inquam, ita fiat, petitio, operosum erit discernere, quid petatur.

18. Et Bonacina a quidem, cum Barbosa, b (saverque Delugo c) asserunt peti eunc & deberi etiam Applicationem. Ratio est inquit, quia cum non constet contrarium, sitque res admodum dubia, praesumendum est id, quod communiter accidit, ut semper in rebus

a Bonacin. de Sacr. disp. 4. q. ult. p. 7. §. 2. num. 13. b. Barbof. tom. 2. de potest Episc all 24 num. 25. c Delugo de Euch. disp. 21. sec. 1. n. 23. & sec. 2. num 42.

rebus dubiis debere fieri, docet, late, Menochius *a* communiter autem petens Missam, vult sibi illam applicari. Confirmatur quia sic statuitur ab hoc Decreto Sacra Congregationis in ordine ad quartum dubium supra *b* à nobis allato.

19. Marchionus *c* autem censet, eunc non peti, unde nec deberi huiusmodi Applicationem. Ratio est, inquit, quia non est opus grave imponendum, nisi clarè constet. Ni constet enim, melior est conditio libertatis minimè tale onus cognoscentis. Adde quod propositum mente retentum nihil extra operatur. *d* Immo ipsa Lex mentè Principis retenta ad nihil obligat. Cum igitur in dictis dispositionibus (quæ adiunguntur legum explicari solent, cum sint leges privatae) se Testator

a Menoch. lib. 1. de praescript. q. 18. n. 1. b § 1. n. 8. & n. 13.

c Marq. de ord. tr. 3. p. 2. c. 27. n. 5.

d L. Quidquid astringenda §. de verb. oblig.

statutor non declarat, etiamsi mente obligare voluisset, non obligabit.

2 Verum enim vero, nisi, in hoc casu, quando non fit mentio finis, distinguendos tres disponendi modos, difficultatis hujus nodum nunquam dissolves.

Primus modus est, si absolute formata sit petitio, seu dispositio sine ulla mentione loci, vel temporis, sic volo, seu lego, ut celebrentur tot Missæ.

Secundus modus, est. Si Petitio efformata fuerit, addita mentione loci. Volo ut celebrentur tot Missæ in tali Altari, vel Ecclesia.

Tertius cum mentione temporis, sic. Volo ut celebrentur tot Missæ tali die v. g. Dominico, vel Luna, vel festo S. Petri, &c. Idemque erit cum mentione loci simul & temporis, hoc modo. Volo ut celebrentur tot Missæ in tali Ecclesia, tali die. His positis.

21. Dis

21. Dico primò, si dispositio sit primo modo, hoc est, absolute, presumendum esse peti, adeoque deberi Missæ applicationem dumtaxat. Ratio est, quia communiter, qui sic petit pro se solum petit, atque adeò applicari sibi fructum Missæ requirit, & nil prætereà. Idem enim est, in communi loquendi usu sic petere: *Volò ut tot Missæ celebrentur*, atque, *Volò ut tot Missæ pro me celebrentur*, & nihil aliud. Si quis enim te conveniat, stipemque offereat, dicat, *Accipe hunc lulium pro una Missa*; sanè nil aliud intelligeres, nisi stipem acceptare ad dicendum Missam pro anima, seu salute ipsius, atque id ita communiter esse in ejusmodi eleemosynis manualibus mox cum Delugo dicam n. 27. ita igitur in dispositione, de qua loquimur.

22. Dico secundò. Si dispositio sit secundo modo, hoc est, cum additione loci, nec sit alia circumstantia, quæ contrarium persuadeat,

deat, per iolum præsentiam. Ratio est ea, quam auctores secundæ sententiæ relata num. 19. attulerunt, quia nimirum non debeat sine claro fundamento onus mihi grave imponere. Adde, quod idè apponi videtur determinatio loci; ut vel honore locus afficiatur, vel ad sit commoditas fidelibus audiendi Missam. Ita communiter intendunt Confratres, vel Moniales, quando petunt in suis Oratoriis Missam celebrari; intendunt enim dumtaxat frui commoditate audiendi Missam, & nihil ulterius, nihil igitur aliud debeat.

Dictum autem est (nec sit alia circumstantia, quæ contrarium persuadeat) quia hæ maxime sunt attendendæ ad implendas Fundatorum mentes, ut ex sequenti num. patebit clarius.

23 Dico tertio. Si dispositio sit tertio modo, hoc est, cum additione temporis (& idem est si simul cum tempore addatur, & locus)

M m

erit

erit interim distinguendum. Si enim ex determinatione tali colligatur mens petentis Missam ferri in Præsentiam, hæc sola petetur: si ferri in Applicationem, petetur Applicatio. Dictum explico exemplis, ac probo. Si quis dicat. *Volo ut dicantur tot Missæ singulis diebus Lunæ*; certè, quia dies hic est à devotione Fidelium assignatus ad orandum pro Defunctis, præsumetur dispositio esse ut celebrentur Missæ pro illis, atque ad eò petitionem esse de Applicatione. Si verò sic dicat, *Volo ut celebretur Missa die dominico, seu die festivo, vel ut celebretur Missa, die Dominico in tali Ecclesia*, videtur petitio solum esse regulariter de Præsentia, ut nimirum sit, in concursu populi, commoditas audiendi Sacrum. Dixi (regulariter,) quia, potest contingere, ut ex circumstantiis colligatur, quod etiam, in hoc secundo casu, exposcatur Applicatio; ita esset, mea sententia, si diceret. *Volo, ut celebretur*

Missæ

die festivo Sancti mei nominis, seu Sancti mei Devoti ; tunc enim ex communiter accidentibus præsumitur Missam esse applicandam pro peccante : communiter enim Fideles, die festivo proprii Sancti, totam sibi Missam celebratam volunt.

24. Ad rationem in contrarium dictum n. 18. quatenus contra nos facere potest. Respondeo petentem frequenter velle Missæ applicationem, sed velle etiam aliquando solum præsentiam, & cultum Dei, idque esse frequentissimum in fundationibus Capellarum, & Altarium, in quibus fundatores magis inspexerunt ad honorem Altaris, commoditatem populi, vel quid simile, quam ad suorum delictorum satisfactionem. Quare non sequor sententiam Graffii, a & Ioannis Delugo b dicentium, cum, qui exposcit Missam, velle semper obligare Sacerdotem ad id, quod

M m 2 utilius

a Graff. de Miss. celebr. conf. 3. 10. 2.

b Delugo de Euc. dis. 21. sec. 2. n. 42.

utilius est ipsi perenti, non sequor;
inquam, horum sententiam, nisi
enim petens, aliquo tandem modo,
se declarer, non est præsumendus,
totum id velle, quia de facto non
totum semper fideles intendunt, ut
vidimus: & confirmatur ex illo di-
cto Suarii, *a* Hæc regula in oneribus
maximè imponendis servanda est: si vo-
luisse expressisset.

Multò minus placet Aloysius *b*
Riccius, qui docet, quando testa-
tor non designavit locum Missæ,
quam legavit; debere celebrari in
loco suæ sepulture. Minus, inquam,
placet, quia quamvis hoc sit consu-
lendum, tamen non adest obliga-
tio, quia dum testator locum non
assignavit, non præsumitur voluisse
præsentiam. Illud concederem
c Aloysio, si testator sic disponat

Eligo

a Suar. t. 4. de Relig. tr. 8. l. 2 c. 17. n. 7.

b Aloys. Ricc tom. 3. Praxis Rerum
quotidian. Eccl for. res. 159.

c Porrell de dubiis Reg. v. Missa. n.
13. & in Resp. p. 2. casu 19.

Eligo talem Ecclesiam pro sepultura volens, ut quotannis dicantur centum Missæ: concederem, inquam, dici oportere in loco sepulturæ. Ratio est, quia tanta conjunctio electionis sepulturæ, & dispositionis Missarum videtur persuadere, eam fuisse Testatoris voluntatem.

25. Ad confirmationem, nego, Congregationem esse contra nos, ipsa enim solùm loquitur de iis, qui habent Capellaniam, legatum, vel salarium cum onere applicandi pro Fundatore, non verò de iis, qui ad præsentiam solam obligantur; fuisset enim injustum, si iis, qui præsentiam solùm debent, & applicatio est sua, prohibuisset, ne, quòd in sua est potestate, aliis dare potuissent. Alias conjecturas, pro hac explicatione, lege, si placet, apud Delugo; aut item nonnulla de loco, quæ huc reduci possunt, vide infra c. 2. § 1.

M m 3

Du-

a Delugo disp. de Sacram. 22. sect. 1. num. 23.